

Financijski

Na osnovu člana 3. stav 3. Zakona o novčanim podrškama u poljoprivredi i ruralnom razvoju («Sl.novine F BiH», broj 42/10), člana 43. Statuta općine Bos.Petrovac («Službeni glasnik opštine Bos.Petrovac», broj 1/08) i Odluke o izvršavanju Budžeta općine Bos.Petrovac za 2019. godinu («Službeni glasnik općine Bos.Petrovac», broj 1/19) a u vezi sa odredbama Zakona o poljoprivredi («Sl.novine F BiH», broj 88/07), Načelnik općine Bos.Petrovac d o n o s i:

O D L U K U

o vrsti i iznosu ostvarivanja novčanih podrški u primarnoj poljoprivrednoj proizvodnji iz Budžeta općine Bos.Petrovac za 2019 godinu

I. OSNOVNE ODREDBE

Ovom Odlukom utvrđuju se vrsta i iznos ostvarivanja novčanih podrški u primarnoj poljoprivrednoj proizvodnji (u daljem tekstu Novčane podrške) iz Budžeta općine Bos.Petrovac za 2019. godinu..

Novčane podrške iz ove Odluke ostvaruju pravna i fizička lica (u daljem tekstu Korisnici) prema kriterijima propisanim Upustom o načinu ostvarivanja novčanih podrški u primarnoj poljoprivrednoj proizvodnji iz Budžeta opštine Bos.Petrovac za 2019. godinu (U daljem tekstu Upustvo), Načelnika općine Bos.Petrovac (U daljem tekstu Načelnik).

Načelnik donosi rješenje o osnivanju Komisije za utvrđivanje prava na ostvarivanje Novčanih podrški u primarnoj poljoprivrednoj proizvodnji iz Budžetu općine za 2019. godinu (u daljem tekstu Komisija), koja će u saradnji sa nadležnim Službama ovog organa uprave, Upravom za inspekcije USK-a i Veterinarskim stanicama B.Petrovac vršiti obradu, analizu i kontrolu dostavljenih aplikacija Korisnika.

Na osnovu zahtjeva Korisnika za isplatu Novčanih podrški, zapisnika Komisije o ispunjavanju uslova za ostvarivanje prava na novčanu podršku i obračuna visine naknade, Načelnik odobrava isplatu novčane podrške iz Budžeta općine B.Petrovac putem nadležne Službe za finansije.

II. VRSTE PODRŠKE

Podrške u primarnoj poljoprivrednoj proizvodnji ostvaruju se za:

A Stočarstvo

A-1 Mliječne krave u sistemu otkupa mlijeka

- obim podsticaja oko 700 muznih grla
- visinu podrške određuje broj mliječni krava po zahtjevima
- ukupan iznos podrški 20.000,00 KM

III. KRITERIJI ZA OSTVARIVANJE PODRŠKI

Opći kriteriji

1. Pravo na Novčanu podršku ostvaruje Korisnik:

- koji ima prebivalište na području općine Bosanski Petrovac
- koji je putem nadležne službe ovog organa upisan u Registar poljoprivrednih gazdinstava i Registar klijenata Federalnog ministarstva poljoprivrede, vodoprivrede i šumarstva

- koji je izmirio obaveze prema općini za 2019 g. po osnovu svih naknada propisanim Odlukama OV-a
- u slučaju da se utvrđena kvota po datoj vrsti radi objektivnih okolnosti djelimično ne iskoriste, Načelnik općine Bosanski Petrovac će svojom Odlukom omogućiti da se neutrošena sredstva usmjere na druge stavke.
- u slučaju da novčana sredstva budu nedostatna, a podnosioci zahtjeva za ostvarenje prava na novčane podrške ispunjavaju uslove propisane Zakonom o novčanim podrškama u poljoprivredi i ruralnom razvoju, Odlukom i Upustvom, nedostajuća finansijska sredstva će se isplatiti iz sredstava novčani podrški za 2020. godinu.

Posebni kriteriji:

1. Novčanu podršku za mliječne krave u sistemu otkupa mlijeka, (A-1) ostvaruju Korisnici
 - koji su putem nadležne Službe ovog organa uprave podnijeli Obrazac P-1 za mliječne krave u sistemu otkupa mlijeka.
 - koji nisu podnijeli Obrazac P-1 za mliječne krave u sistemu otkupa mlijeka, a u uzgoju imaju minimalno 2 mliječne krave.
 - koji predaju mlijeko prerađivaču mlijeka koji je u sistemu PDV-a
2. Korisnici koji su podnijeli zahtjev za podrške F BiH i USK za uzgoj steonih junica ne mogu ostvariti općinske podrške za iste.

IV. NAČIN OSTVARIVANJA PODRŠKI

1. Novčane podrške se ostvaruju na način propisan ovom Odlukom i Upustvom Načelnika.
2. Obradu zahtjeva za isplatu novčanih podrški i obima traženih sredstava će vršiti Komisija u skladu sa ovom Odlukom i Upustvom.
3. Nadzor na sprovođenju ove Odluke će vršiti Kantonalna uprava za inspekcije u saradnji sa nadležnom Službom.

V. ZAVRŠNE ODREDBE

Odluka stupa na snagu narednog dana od dana donošenja, i ima se objaviti u «Službenom glasniku općine Bos.Petrovac», a o izvršenju iste zadužuje se Služba za obrt, poduzetništvo, razvoj i poljoprivredu.

Šef Službe: _____
 mr.sci. Ramić Nevsad, dipl.oec.
 Obradio: _____
 Mehić Muhammed

Broj: 06-24-2011-1/19
 Datum: 10.09.2019.g.



Općinski Načelnik: _____
 Prosić Dejan, dipl.ing.šum.